



TOSHKENT DAVLAT YURIDIK UNIVERSITETI REKTORINING B U Y R U G ' I

31.10.2023

646-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish, unga rioya qilmaslik yoki mensimaslik holatlari kuzatilmoqda.

Jumladan, 2023-yil 17-oktyabr kuni universitetning Ommaviy huquq fakulteti tomonidan fakultet talabalari o'rtasida universitet Odob-axloq kodeksi normalari va Ichki tartib qoidalariga amal qilish holati o'rganilganda, 2-kurs Davlat-huquqiy faoliyat yo'nalishi talabalari Masaliyev Jaloliddin Baxtiyor o'g'li, Xoldorov Nuriddin Pardaboy o'g'li, Vafoyev Feruz Baxtiyor o'g'li, Ahmadjonov Jasurbek Dilshod o'g'li universitet hududida tamaki mahsuloti chekkanlik holati aniqlandi.

Talabalardan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etgan.

Talabalar J.Masaliyev, N.Xoldorov, F.Vafoyev va J.Ahmadjonov mazkur harakatlari bilan TDYU Odob-axloq kodeksi 17-moddasi to'qqizinchi xatboshisi (Universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish qat'iyani taqiqlanadi) talabalarini buzgan.

Shu bilan birga, 2023-yil 19-oktyabr kuni 1-kurs Davlat-huquqiy faoliyat yo'nalishi talabasi Po'latov Murodjon Akbar o'g'li, 2023-yil 12-oktyabr kuni 2-kurs Davlat-huquqiy faoliyat yo'nalishi talabasi Zokirov Sherzod Bobir o'g'li, 3-kurs Davlat-huquqiy faoliyat yo'nalishi talabasi Norqulov Baxrom Davron o'g'li tashqi ko'rinish talabalariga rioya qilmasdan universitetga soqoli olinmagan holda kelishganliklari aniqlandi.

Talabalardan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etishgan.

Talabalar M.Po'latov, Sh.Zokirov va B.Norqulovlar mazkur harakatlari bilan TDYU Odob-axloq kodeksi 12-moddasi beshinchi xatboshisi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi

tartibga solingan, **soqoli olingan** bo'lishi, ular sochlari noodatiy bir necha ranglarga bo'yalmagan va kiyinish talablariga rioya qilgan holda kelishi lozim) talablarini buzgan.

Shuningdek, 2023-yil 28-sentyabr kuni 4-kurs talabasi Asrorov Xojiakbarxon Ashrafovich bir necha bor ogohlantirishlarga qaramay kiyinish talablariga rioya qilmagan holda, 4, 11 va 13-oktabr kunlari Davlat-huquqiy faoliyat yo'nalishi 2-kurs talabalari Mamurov Muhammadali Sharifjon o'g'li, Rustamov Suhrob Jasurbek o'g'li, Uzokboyev Zuxriddin Xurshid o'g'li kiyinish talablariga rioya qilmagan holda, 12-oktabr kuni Davlat-huquqiy faoliyat yo'nalishi 3-kurs talabasi Ikromiddinov Amirbek Zafar o'g'li sochi olinmagan holda dars mashg'ulotiga kelganliklari aniqlandi.

Talabalar X.Asrorov, M.Mamurov, S.Rustamov, Z.Uzokboyev va A.Ikromiddinov tomonidan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etishgan.

Talabalar X.Asrorov, M.Mamurov, S.Rustamov, Z.Uzokboyev va A.Ikromiddinov mazkur harakatlari bilan TDYU Odob-axloq kodeksi 12-moddasi to'rtinchi xatboshisi (Universitet xodimi, talabasi va doktoranti bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart) va 12-moddasi beshinchi xatboshisi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo'lishi, ular sochlari noodatiy bir necha ranglarga bo'yalmagan va kiyinish talablariga rioya qilgan holda kelishi lozim) talablarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 12-moddasi to'rtinchi va beshinchi xatboshilari, 17-moddasi to'qqizinchi xatboshisi hamda Toshkent davlat yuridik universiteti Ichki tartib qoidalari (ichki mehnat tartibi qoidalari)ning 83-bandiga asosan

BUYURAMAN:

1. Universitet Ommaviy huquq fakulteti Davlat-huquqiy faoliyat yo'nalishining 1-kurs talabasi Po'latov Murodjon Akbar o'g'li, 2-kurs talabalari Masaliyev Jaloliddin Baxtiyor o'g'li, Xoldorov Nuriddin Pardaboy o'g'li, Vafoyev Feruz Baxtiyor o'g'li, Ahmadjonov Jasurbek Dilshod o'g'li, Zokirov Sherzod Bobir o'g'li, Uzokboyev Zuxriddin Xurshid o'g'li, Mamurov Muhammadali Sharifjon o'g'li, Rustamov Suhrob Jasurbek o'g'li, 3-kurs talabalari Norqulov Baxrom Davron o'g'li, Ikromiddinov Amirbek Zafar o'g'li, 4-kurs talabasi Asrorov Xojiakbarxon Ashrafovichga hayfsan intizomiy jazo chorasi qo'llanilsin.

2. Fakultet dekanlari (Sh.Saydullayev, D.Umarxanova, B.Musayev, D.Kamalova, A.Babadjanov) mazkur buyruq bilan qo'llanilgan intizomiy jazo chorasini talabalar shaxsini sir saqlagan holda talabalar o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-

o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin.

3. Ommaviy huquq fakulteti dekani (Sh.Saydullayev):

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

4. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

